

I Made Bidja

ATIWA - TIWA

(PĒNGABENAN)



Kamedalang antuk : "YAYASAN KAWI SASRA MANDALA" Jln. Pulau Timor 4 Singaraja.

- Percet MUTIARA -

OM AWIGHNAM ASTU.

Panuhun tityang mêngaturang sêmbah baktin tityang ring bukpadan Ida Sanghyang Parama Kawi, talêr ring Ida Sanghyang Aji Saraswati, mangda tan kêneng upadrawa, dwaning tityang mênyalin lontar patêtiwan (pêngabênan) kê aksara latin. sêmaliha sêtata tityang nunas kêrahayuan majêng ring Ida.

Talêr tityang tan lali mêngaturang pangênjali umat "OM SWASTI ASTU" majêng Ida Dane sami. Puniki tityang ngapupulang indik patêtiwan (atiwa - tiwa), sami mênganutin kêcap Mpulutuk (lontar). Patêtiwan punika tityang tédun wantah sane ketah kê margiang antuk para sulinggih, kaping kalih Ida Dane sami. Puniki tityang wêwêhin malih antuk ala - ayuning Dewasa / dina patêtiwan sami tityang ambil saking lontar (Lontar Surya Mandala, lontar Patêtiwan), wentên malih sane dagingin tityang iriki Patêtiwan (pêngabênan) manut lontar YAMA PURWANA TATWA sane sampun kakukuhang antuk para Sulinggih sami sane wentên ring Bali, (pesamuan Dharma Asrama Parisada Dharma Hindu se-Bali tgl. 17 s/d 23 Nopember 1961 di Campuan Ubud).

Pamêkas sêkadi mangkin tityang ngalungsur kaledangan Para Sulinggih mangda kayun ngêmargiang (ngêntas) Yama Purwana Tatwa punika.


Sêmalia yan wentên kaiwangan - kaiwangan papupulan
tityang puniki mangda Ida Dane ngawêwêhin, mangda
prêsiddha ugi paripurna.

Maka pamuntat atur, tityang nunas gung ampura
mênawita wentên atur tityang lèpit, majêng ring Ida Dane
sami.

Om Santi, Santi, Santi Om.

Singaraja, 10 Oktober 1987.

Sane ngapupulang
tityang,



(I MADE BIDJA)

PARISADA HINDU DHARMA INDONESIA
Alamat Kampus STKIP "Agama Hindu"
Singaraja Telp. 21275 Sgr.

Nomor : 47/PHDI. BLL/90 Singaraja, 27 Sept.1990

Lampiran : -

H a l : Ucapan Terimakasih

Kepada Yth. : **I Made Bidja**

Br. Peguyangan / Sdr.

di -

Singaraja

Om Swastyastu,

Dengan ini kami mengaturkan ucapan
terimakasih atas karya Saudara berupa :

1. Atiwa - tiwa dan 2. Mantra, dari Lontar
Yama Purana Tattwa, Weda Parikrama dan
Lontar - lontar dari Gedung Kirtya, yang
dapat memperkaya perpustakaan umat Hin-
du. Semoga ada gunanya.

Om Siddhirastu,

Om Santi, Santi, Santi Om



Parisada Hindu Dharma Indonesia
Kabupaten Buleleng
Wakil Ketua II,

ttd,

GEDE WENTEN, BA.)

Om, Awighnam Astu.

A. MANUT LONTAR AJI LOKA KERTI

1. SAWA PRÊTEKA :

Awatang sawa, prêkêrtinya saka sidan, ngangge tirtha Pêngêntas, Maulan Taga, Mapatulangan, Mê bantên Têben, Mêdamar Kurung, Bale Salunglung, Saji Sêtangkep, separi kramaning prêteka. Wus basmi, raris rineka, pamuputnya anyut.

2. NYAWA WEDANA :

Têtingkahannyane kadi sawa prêteka, nanging tan pêsawa, ngangge pêngawak antuk cêndana / Majagau. Punika rineka sêpatutnya, manut kadi ring ajêng.

3. PRANAWA :

Indik puniki kêpalih dados 3 paosan luwirnya :

- a. PRANAWA UTTAMA : mapêngawak antuk toya, nentên ngangge Bantên têben, tan pèdamar kurung, tan ngangge Pêtulangan, upakarannya kadi Nyawa Wedana.
- b. PRANAWA MADYA : Upacaranya tan bina ring kakêrik sari rawuing saji, luirnya : Suci Adanan, Panjang Ilang, Nasi Angkeb, Saji Tarpana, Liwêt Pirata, Pangadang - adangan, Panca Upacara, Puspa Jati, Sok Cegeeg, Punjungan Putih Kuning, dados wêwêhin Bantên Pênêbusan, nentên ngangge Pêtulangan. Gêsêng ring Sêsênden (cubek anyar).

- c. PRANAWA NISTA / ALIT : Maka pêngarêp, Saji Tarpana sêtangkep, Bubur Pirata, Nasi Angkêb, Ajêngan Putih Kuning, Panjang Ilang, muah Tirtha Pêngêntas.

4. SWASTA :

Swasta puniki dados 4 pêrangan, luwir ipun :

- a. SWASTA : Adêgan wantah kêkalih Lanang - Istri, mêpêngawak Bangbang, nentên ngangge damar kurung, tan pêbantên tēben, tan Papê-tulangan, upakarnya : saji sêtangkep, Nasi Angkêb, Bubur Pirata, Panjang Ilang, Punjungan Putih Kuning, Tirtha Pêngêntas.

- b. SWASTA SUNDARI : Kêramanya patêh kadi Swasta kewantên ngangge adêgan pêngawak sê-katah sawane kêtangiang

- c. SWASTA GÊNI : Awatang, atawi bah prêmang ke, prêkêrtinnya tanpa Patulangan, tanpa Damar Kurung, tanpa Bantên Tēben, sêsampune sawa punika rawuh ring setra, tiwakin tirtha Pêngêntas, rikala ngêsêng dulurin : Daksina asiki, Wi ja catur warna mewadah tēmekur, Artha 225 Bolong, wus punika raris reka saha saji Arêpan, Bubur Pirata, Panjang Ilang, Punjung Putih Kuning, Kêlungah mekasturi, Upakara Bêbajangan. Sampun puput raris anyut. Wêkasan Sêkah.

- d. SWASTA PRANAWA : Bantên kadi swasta gēni, sakewantên ngangge Daksina Soroh 5 Asiki, Pêngawaknya sêkah, kêwangen rineka ring umah. Benjang ipun lēbuang, raris gêsêng. Malih kêajum dados puspa, tibakin Tirtha Pē-

nglukatan, Tirtha Pabêrsihan, Makêlasa Ganda-wari, Dêdampingnya : Saji, Suci, Nasi Angkêb, Bubur Pirata, Punjung Putih Kuning, Pêngaskara. Sêsampune dados sêkah, gēnahang ring dēdam-pa, sinarêngan tiwakin Tirtha Pêngêntas, sêsam-pune gêsêng, arangnya duduk tur reka. Risampu ne puput, ambil sêkahe gēnahang ring duur abu ne, upakarnya tunggal, sinarêngan pinuja, sinarêngan kêanyut.

B. MANUT TUTUR BUDHA GAMA :

Rikala ngaben sawa punika nentên kê basmi, ke-wantên mapêndêm. Wadahe talêr tan kabobor, kewan-tên matêktêk ring duur Bangbange, dagingin pasêpan wiyadin Dupa, tatakin antuk Piring Sutra (jêmbung putih). Abune sane ulung ring piring (jêmbung) su-trane kêumpamiang Galih sang seda. Punika sane karêka. Wus rineka, raris kêpujain, puput pinuja, kauyêg kédadosang sêkah, saha Tarpana. Panguntat kêanyut.

C. MANUT LONTAR AJI PURWAKÊRTHI :

Ring Aji Purwakêrêthi, wentên kêbawos sapuniki : Mojar Ida Sanghyang Kanuruhan : Uduh anakku, manian yan mami pêjah aywa anakku ngawe akna wadah, yadyastun busana Mas manik, Wastra sarwa endah, mwang têtabuhan Gong, rawuhing unen-unen, mwah wali wayang rahina wengi, ika kabeh tan ana ngawe tustaning twas mami, apan iku anggrêwêdi lam-

pah mami. Kunang mami minta ring anakku kang munggah ring tuwasing mami, luwirnya : Gêni Pralina Sunya, Toya Dalan Apadang, Bubur Pirata, Diyus Kamêligi. Iku sidha kna pinintangku ri kita, apan iku ngawê tustaning twas mami mangungsi SIWA PADA.

1. Agêni Pralina Sunya ngaran = maraning sarwa bak sa, atêmah sarira suksma, ngaran kewala Citta-Liliya.
2. Toya Dalan Apadang ngaran = nuh tudung sucima, ngaran kewala Suddha Ambêk.
3. Bubur Pirata ngaran = Sarining akasa pêrtiwi, ngaran Amrêtha urip, uriping dadi.
4. Dyus Kamaligi ngaran = Nirmala suksma jati, ngaran Kewala Nirmala Adnyana.
5. Trikaya Parisuddha nirmala ngaran = parisuddha-ning karma tiga : ndiyeka, nihan = prakêrtining manah, sabda, wak : kabeh paringkêsannya :
 - a. Manacika ngaran = mudita, kita buddhi asih ring samanang tumitah
 - b. Wacika ngaran = karunya wêcana, satya wakya, sabda tuhu, ngawe enaking anggrêngê.
 - c. Kayika ngaran = metri, suka atulung urip, dhar-mêsta, kita wêcana, lila yukti, angawe enaking tumitah muang tuminggal.

• Mangkana luwirning prêteka ulah akna denta, dalaning Sang Pitratma umêntasing SIWA PADA, mwanng Bুদ্ধa Laya, sida maka pangutas hutang ring yayah

renanta. Mangkana ling Sanghyang Kanuruhan ring anak ira.

D. YAMA PURANA TATWA :

1. Rikala jagate katibanan pakewuh, katibanan gering sasah mênana, tatumpur mwanng gêrubug, rikala pê-rang kêrahuan musuh, kari sawane ring bale, dyas-tun sampun mapêndêm, kewan-tên durung kêaben, yadyapin sampun sêta-hun lawasnya, wênang punika sami Prênawa. Gêsêng sawane ring setra, muah kirim, ngangge saji Nista mara upakarannya sêka-di : Panjang Ilang, Bubur Pirata, Ajêngan Putih Kuning, Nasi Angkêb, Bija Catur Warna, Kalungah Mêkasturi, Pêras, Sorohan, Saji Tarpana, Dyus-kamêligi, anut separi kramannya.
2. Sang seda sane tan kêtêmu sawanya, punika wênang Swasta, Upakaranya, puput antuk toya, kewan-tên Tirtha punika kêawakang Sang Pêjah, Suci 3 soroh, Bubur Pirata, Nasi Angkêb, Ajêngan Putih Kuning, sêpari kêrama, pasang-pasang wê-nang, kêrama mangkêp, Daksina sang ngêranjingin sêpatutnyane. Riwus magêsêng, karyanang puspa. Pênguntat raris kêanyut. Kewan-tên yan kêpanggi-hin sawanya tan wenang Swasta, patut prêteka sêkadi kêramannya.
3. Yening wentên Wwang rare seda, mayusa 5 sasih utawi langkungan, seda kêna gêring, talêr dados basmi, tiwakin Tirtha Panglêpas Rare. Gawenen Saji Tarpana. Anyut prêmangke.

4. Malih tingkahing Wwang seda ma - pëndêm prê mangkin, wênang ngangge Tirtha Pangéntas. Palanya polih linggih Sang Atma ring Batur Kêmulan, yadyastun suwe nentên kaupakara wyadin keaben.

E. MÊMUKUR / NYÊKAH

Indik mêmukur / nyêkah puniki wentên mêkudang rentetan luwir ipun :

1. NYÊKAH NISTA / ALIT :
Puput ngêrosin kewanên, anut sêpari krama.
2. NYÊKAH MADYA / NYÊKAH NGANGSEN :
Mapêngawak klakat Suddha Mala Buluh Gading. Daun Bingin 21 bidang dados 9 tusukan, Saji, ngangge Catur Rêbah, anut sêpari kramanya.
3. NYÊKAH KURUNG :
Puput ring Jêro, luwirnya sêkah antuk buluh Saji ngangge Catur Mukti, anut sêpari kramanya, sêsam pune puput, raris kêanyut.
4. SÊKAH (NYÊKAH) UTTAMA :
Mêwasta MALIGIA Yadnya, sêkarnya karang Suci, ring gênahe pacang nganyut ngadêgang Sanggar Tawang, gênah ngastawa Sanghyang Baruna. Benjangne patut Mêlayagin, saha upakara den asangkêp Sapunika pari indikannyane.

T U R U N A N "YAMA - PURWANA - TATWA"

Menurut Piagam Campuan Ubud, yaitu putusan rapat Dharma AsramaParisada · Dharma Hindu se Bali Tanggal 17 s/d 23 Nopember 1961 antara lain bahwa Pengabenan (Atiwa - tiwa), ditetapkan sebagaimana jelas bunyi piagam itu. Pelaksanaan atiwa - tiwa / pembakaran mayat ditetapkan menurut ketentuan dalam Yama Purwana Tatwa, terutama mengenai upacara bebantennya yang sederhana dan dilaksanakan didalam tujuh hari / lebih cepat lebih baik dengan tidak memilih Dewasa.

Upacara salah pati, Ngulah pati, Kêpêngawan, Sakit Ila (lepra) dan sebagainya, upacaranya disesuaikan dengan orang mati biasa, dengan menggunakan upacara Bantên Pênêbusan dimana orang itu mati.

Bunyi Yama Purwana Tatwa adalah sebagai berikut :

Nihan kecap daging Yama Purwana Tatwa, prêsi-da tingkah angupêkara sawa Sang Mati, Agung, Alit, Nista, Madya, Uttama, maka patuting ulah Sang mêngama Tirtha ring Bali rajia, tan wênang mapëndêm, mangda mangêsêng juga, sahika suba caranya prêsida Sang Atma molih ring Bhatawa Brahma, apituwi tan pêbya, swasta ring Sanghyang Agêni, sida amanggih rahayu sanghyang Atma.

Kunang yan sampun sahika sama amanggih rahayu Sang Pitara, hica Bhatara lumingga ring Jagat.

Salinan Ucap YAMA PURWANA TATWA IHTI SASTRA dari MAHA MUNI SAKTI TELAGA dikala abad ke 15.

Yang mengambil turunan P.S. Kepala Dinas Agama
O l e h Daerah Tingkat I Bali

Ttd

Ttd

I MADE BIDJA


Sgr, 24 Januari 1978

IDA BAGUS GEDE

KUNANG UPAKARANYA MAGÊSÊNG :

Rawuhing ring setra tibanin Tirtha Pêngêntas, ducing magêsêng dulurannya :

1. Daksina 1 (asiki)
2. Canang sari 7 tanding
3. Jinah Bolong 225
4. Bêras Catur Warna mêwadah Têmekur
5. Ngangge kêrêb Sari sê hasta (1½ m) kain kasa

(putih), sane mêdaging Aksara **ONGKARA** : 

Gênah akna ring dadaning sawa kagêsêngan kabeh. Ri-sampuning basmi ikang sawa, arêngnya supit kadi cara pinipis ring watu yadiapin sêsênden pada wênang, raju wadahn Nyuh Gading adê-gkêna PUSPA - LINGGA tumuli ayabin :


- a. Bubur Pirata
- b. Kêlupat Pesor
- c. Saji Punjungan Putih Kuning
- d. Dyuskamêligi

Wusan hanyut ikang Puspa - Lingga têkeng kampuhnya, presida sahika kramanya.

Kunêng Wêkasan wênang, sêkama - kama amrêteka sapêkrianing Sang Atma wedana ngaran :

1. NYÊKAH.
2. MAMUKUR.

**UPACARA RIKALA MÊRSIHIN
(NYIRAMANG) SAWA**

1. Siramang antuk toya tabah.
2. Ambuhin, Asisig, Boreh awak, Boreh batis (cokor).
3. Malih siramang antuk toya / toya kum - kuman.
4. Mêsalin tikêh sane mêdaging kain putih.
5. Kêrik kukunya (tangan, cokor) antuk lemat (tiyuk) anyar.
6. Kuwangen, pagêmêlan 11 keteng gênahang ring hulu-hati, momon ring cangkêm.
7. Eteh - eteh Pangrêkaan.
 - a. Panyingakan dagingin kaca.
 - b. Untu (gigi) dagingin baja.
 - c. Hirung (cungh) dagingin kêmbang mênuh.
 - d. Wimba (alis) dagingin don intaran.
 - e. Kama (kuping) dagingin malêm.
 - f. Sumsum dagingin umbin gadung.
 - g. Uwat dagingin kawat baja.
 - h. Purus (anak lanang) dagingin 2 jêbug garum, (pinaka butuh) inje ilut pinaka purus. Anak istri dagingin sampar wantu ring sêrira.
 - i. Kulit dagingin peripihan emas (perak).
 - j. Ring salwiring buku - buku dagingin kuwangen.
 - k. Ring hulu angên (hati) dagingin kuwangen 9. Reka sêkadi padma.
 - l. Sêmbar antuk don tuwung.
 - m. Kêrêb sari sane mêdaging aksara **ONGKARA** () sane sampun kêjaya - jayain antuk Su -

linggih (Pêmangku Kawitan).

- n. Raris gulung tur gêlilikin taluh.
- o. Yan prade kirangan eteh - eteh ipun mangda Ida dane nagingin saparikramanya.
- p. Sawane linggihang ring balene raris aturin larapan sêpari kramanya, raris nyumbah.

Risampune sawa punika sampun ring setra margiang sêkadi katêrangan ring arêp.

**ALA - AYUNING DEWASA ATIWA - TIWA /
PENGABENAN
MANUT LONTAR SURYA MANDALA**

A. DINA AYU ATIWA - TIWA

1. Sukra Umanis, Uku Ukir, Tanggal ping 11 (solas)
2. Soma Pahing, Uku Warigadian, Tanggal ping 2 (dua).
3. Sukra Wage, Uku Kuningan, Panglong ping 13 (telulas).
4. Wrespati Umanis, Uku Sinta Tanggal ping 4 (empat).
5. Sukra Umanis, Uku Mrakih, Tanggal ping 8 (kutus).
6. Sukra Pahing, Uku Matal, Tanggal ping 11 (solas)
7. Wrespati Pon. Uku Uye, Tanggal ping 9 (sya).

**B. ALA / AYUNING UKU / DINA ATIWA - TIWA /
PENGABENAN**

1. NUJU INDRA :

- a. Rêdite Umanis, Uku Warigadian
 - b. Rêdite Pon, Uku Mèdangsyâ
 - c. Rêdite Kliwon, Uku Watugunung
- Ika rahayu dahat, byakta Sang Atma mantuking Swargan Bhatara Indra.

2. NUJU GURU :

- a. Wrespati Wage, Uku Bala
 - b. Wrespati Pon, Uku Krulut
- Ika rahayu dahat, marganing atiwa - atiwa byakta Sang Atma mantuking Swargan Hyang Siwa.

3. NUJU YAMA :

- a. Saniscara Pahing, Uku Mrakih
 - b. Saniscara Pon, Uku Ugu.
- Ika ala dahat, Sang Atma tinumpêk ring kawah Cambêgumuka.

4. NUJU RUDRA :

- a. Anggara Umanis, Uku Wariga
 - b. Anggara Pon, Uku Langkir
 - c. Anggara Wage, Uku Matal.
- Ika rahayu dahat, Sang Atma mantuking ring Bhatara Rudra.

5. NUJU BRAHMA :

- a. Buda Kliwon, Uku Matal
 - b. Buda Umanis, Uku Dukut
- Ika rahayu dahat, Sang Atma mantuking ring Bhatara Mahadewa.

6. NUJU KALA :

- a. Sukra Kliwon, Uku Watugunung
 - b. Sukra Wage, Uku Uye
- Ika ala dahat, Sang Atma kalêbu ring Yamaniloka.

7. NUJU UMA :

- a. Soma Kliwon, Uku Krulut
- b. Soma Umanis, Uku Bala
- Ika Rahayu dahat, Sang Atma mantuking ring
Bhatara Wisnu.

8. NUJU SRI :

- a. Sukra Pahing, Uku Gumbreg
- b. Sukra Umanis, Uku Klawu
- c. Sukra Wage, Uku Kuningan
- Ika rahayu dahat, Sang Pitara mantuking Swargan
Bhatara Sambu.

C. SASIH TAN DADOS NGÊLAKSANAYANG ATI-
WA - TIWA

- a. Sasih Kapat
- b. Sasih Kêlima
- c. Sasih Dista
- d. Sasih Sada
- e. Sasih Kêsanga
- f. Sasih Kêdasa
- g. Sasih Kaşa

D. SASIH SANE DADOS NGÊLAKSANAYANG ATI-
WA - TIWA

- a. Sasih Karo
- b. Sasih Kêtiga
- c. Sasih Kêpitu
- d. Sasih Kawulu
- e. Sasih Kêênêm

E. NIHAN DEWASA TAN WÊNANG AMBAHIN
ATIWA - TIWA LUWIRNYA :

Manut Lontar Patetiwan

1. Wuku Sinta nuju Rêdite
2. Wuku Wariga nuju Rêdite
3. Wuku Warigadean nuju Rêdite
4. Wuku Landep nuju Coma
5. Wuku Ukir nuju Anggara, Wrespati, Sukra.
6. Wuku Kurantil nuju Buda
7. Wuku Dungulan nuju Buda
8. Wuku Mrakih nuju Buda
9. Wuku Julungwangi nuju Coma, Buda, Sukra
10. Wuku Langkir nuju Coma, Buda, Sukra
11. Wuku Pahang nuju Coma, Buda, Sukra
12. Wuku Mèdangkungan nuju Coma, Buda, Sukra
13. Wuku Mênail nuju Coma, Buda, Sukra
14. Wuku Watugunung nuju Coma, Buda, Sukra
15. Wuku Krulut nuju Rêdite, Anggara, Wrespati
16. Wuku Mèdangsya nuju Redite, Saniscara
17. Wuku Pujut nuju Rêdite, Saniscara
18. Wuku Matal nuju Rêdite, Saniscara
19. Wuku Uye nuju Rêdite, Saniscara
20. Wuku Klawu nuju Rêdite, Saniscara
21. Wuku Dukut nuju Rêdite, Saniscara
22. Wuku Tolu, ala dahat tan yogya ambahin saluwi-
ring Yadnya Karya Ayu.

Tan yogya amurug ambahin Atiwa - tiwa, iti alanya :

Matya sinandêr ing Sawung, matya sinandêr ing-Sêsapi, matya sinandêr ing Krebek, matya sinadêr ing Kilap, sinarap Mong, matya labuh, matya anak-anak, matya kêlêbu, matya labuh gêni, katiben lara tan kêneng sambêt, sasab mrana, makweh kêwastunan dening Bhatara Guru, mangkana linging Haji / Sastra.

Nihan tingkahing Atiwa - tiwa tan wênang anggen Dewasa yan ring Yama, tiba Yamaloka, yan ring Kala, tiba ring Kala Gêni, yan ring Guru, Paumaning Dewa Bhatara Kabeh tan wênang purugên, yan ring Rêdite Umanis, yang purugên sami sapatika tan wun tiba ring kawah. Sang Pitara, mwah Sang agawe katêmah den ira Bhatara Agêni Den prêyatna Sang Sadaka (Sulinggih) angêntasa Wwang pêjah, aywa pêpêka, ika alaning Guru, Kala mwang Yama.

Hana malih Luwirnya :

1. Sukra Kêliwon
2. Saniscara Umanis
3. Rêdite Pahing
4. Sukra Pon
5. Saniscara Wage
6. Rêdite Kêliwon
7. Rêdite Umanis
8. Coma Wage
9. Anggara Wage
10. Sukra Wage

Ika sami tan wênang purugên, kêna upadrawa dening Bhatara Agêni. Manut Lontar Patêtiwan.

DAGING TÊTANDINGAN DYUS KAMALIGI

1. Nyuh pinaka sirah.
2. Don têmên pinaka bok
3. Pangi pinaka jagut
4. Pudada pinaka susu (Nyonyo)
5. Taluh pinaka pipi
6. Pipis bolong anggen pêngawak akehnya 66 bolong
7. Isen pinaka jêriji cokor (batis)
8. Kunyit pinaka jêriji tangan
9. Têbu pinaka tulang
10. Don klayahan pinaka layah
11. Pusuh pinaka papusuhan (jantung)
12. Paku bêsî pinaka balung
13. Kawat pinaka wat
14. Bubur pirata.
15. Klungah nyuh gading
16. Payuk kêdas maiis yeh kumkuman
17. Isin kalbasa
18. Tanah barak, tanah putih
19. Kacang - kacang (kace, kacang barak, undis)
20. Tangkêpan (têtandingan mêtadaging tumpêng 1, mêtadaging tumpêng 3)
21. Tungkêd antuk êha tur glagah
22. Pisang payasan
23. Pênèk punggêlan
24. Suwah 54 katih mapêsêl, suwah pêtat 54 katih mapêsêl
25. Kuwangen mawadah kojong don biyu 11 keteng (2 kojong)

26. Mêka 54 belahan
27. P a n g r ê s i k
28. Bêras catur warna mawadah têmekur
29. Canang cêplek 11 tanding
30. Kukusan dadakan
31. Isin jong (miyik - miyikan, angêt - angêt)
32. L i s
33. Pulakêrti mêdaging kain putih, barak, sêlêm.

Kirang langkung antuk mangaturang daging (isin)
têtandingan dyuskamaligi mangdê Ida dane ngampurayang.

DAGING PANJANG ILANG

Sane Lêbêng :

1. Pisang payasan
2. Tulung Agung Tulung Urip
3. T i p a t a k e l a n
4. Nasi Bulan, Nasi Surrya, Nasi Garuda, Nasi Yang lalah, têbeng langit, dagingin kelor mêngsêb tur muluk jaringan.
5. T a n g k ê p a n
6. Sate - satean (sami mêdaging 11 atawi 3 katih (ka-kuwung, sate asêm, sate lêmbat, jêpit babi, jêpit gunting, let - let, jêpit balung)
7. Sujeng ategen (tuwak, yeh)
8. S e r e m b e n g
9. T ê t a m p a k
10. B a s e t a m p i n
11. Baas sampian.

Sane Matah

1. Nyuh asiki, baas, base tampin
2. Daksina mêtaluh bebek
3. Biyu 3 bulih matah
4. babungkilan
5. Don Latêng
6. O o t

7. T a i n s i a p
8. Kacang - kacang samî matah
9. Panak biyu mēdaging pipis 3 keteng tur lilit antuk
bēnang tri datu, kain putih pada makēbis mēwarna 3
(barak, sēlēm, putih)
10. Pisang payasan
11. Têgên - tēgēnan

Mēnawita wentên kirangan daging ipun mangda
Ida dane ngawēwēhin malih, sēmalihe kirang langkung
antuk tityang mēngaturang sēparipolah daging Pan-
jang Ilang puniki tityang nunas ampura bangêt.

\$\$\$\$\$\$\$ Perc. Mutiara Sgr. \$\$\$\$\$\$\$